
УЧҚЎПРИК ТУМАНИДА ЛАВАНДА САЙЛИ ДАВОМ ЭТМОҚДА

Учқўприк туманидаги шифобахш ўсимликлар етиштириш ва қайта ишлашга ихтисослашган “Меҳригиё” кичик корхонаси лаванда боғларида 1 июнда бошланган “Лаванда сайли” давом этмоқда.

Сайл доирасида ҳамюртларимиз ва хорижлик сайёҳлар учун лаванда гули ва ифорида тайёрланган маҳсулотлар кўргазмаси, папайя, банан, годжи, киви, зайтунзорлардан иборат саломатлик боғи бўйлаб экосаёҳат, тиббиёт туризми ва мутахассислар кўриги, турли концерт ва шоу дастурлар ташкил этилмоқда.

Меҳмонларга лаванда боғларининг такрорланмас гўзаллигидан баҳраманд бўлиш, махсус рецепт асосида тайёрланган лавандали таомлар, музқаймоқ ва салқин ичимликлардан татиб кўриш, лавандазордаги унутилмас фотосессияларда иштирок этиш имконияти тақдим этилмоқда.

Барча юртдошларимизни ва юртимиз меҳмонларини июнь ойи якунига қадар давом этадиган лаванда сайлига таклиф қиламиз.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-06-03 11:23:15